



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Umbilicus.

urn:nbn:de:hbz:466:1-14259

A Leandri fabulam commenti sunt, ut extincto lucernæ lumine, calore quippe naturali deficiente, juvenilis quoque concupiscentia ardorem extingui significant: atque ita tam marem, quam fœminam gelida senectutis procella exagitatos in aquas immergi, ac deniq; suffocari. In sacris nostrorum literis sententia huic fabula non absimilis de flore amygdala; de locusta & cappari habetur, quam loco suo satis explicamus. Neq; tamen illud contemnedum, quod Graci extinctos compressos que nequit stimulus à viro fortis, hoc est, virtute, prædicto judicare volentes, Anteum illum suum Terræ filium ab Hercule collisum fingunt: nihil enim aliud est. Anteum à terra procul sublatum enecate, quam à libidinosa tactu manus & mentem procul amovere.

COELESTE RERUM OMNIUM PROM-
PTUARIUM. CAP. XXXIII.

Panos urbs in Aegypto fuit, in qua hujus etiam dei colossus visebatur inguine procaciter extento, qui flagellum in Lunam à dextra eius sitam attolleret, Panos enim illi ad Lunæ simulacrum adderunt: re voluerunt: quod omnia mortalia usui necessaria putarent à Luna suppeditari. Sed quid hoc sibi vellet argumentum, facilius ex Cabalistica disciplina significationibus eruemus. Ajunt enim ejus mysterii sapientes, omnem siderum vim, quæ rerum procreationi comparata sit, in lunare prius corpus infundi, tanquam in penum aliquam promptuariam: mox illam pro rei uniuscujusque materia formam unicuique suam fideliter erogare, idque sibi velle yidetur in Panos manu flagellum, quasi accepta eo gestu doceat expendere.

SOL. CAP. XXXIV,

IN Suidæ collectaneis legas Priapi simulacrum, quem Horum Aegyptii esse dicant, læva penem arcum continere, dextera sceptrum disco & pennis insignitum, quæ omnia Solis vim ostentent: Priapi simulacrum ex genitali siquidem obscenius attricius significari ajunt, quæ abdita sunt in visceribus terra semi-navi solis erumpere: per sceptrum vero imperium, quod in cœlestibus & terrestribus gerit, cuiusque opera & terra & mari patefacta, se mortalibus exhibuere, ususque & commoditates rerum omnium subministrarunt. Discus, orbem quo circumfertur indicat: penne vero, velocitatem, totius celi ambitu quatuor & viginti horarum spatio quotidie decurso. Sic illis philosophatum est temporibus, ut rem tam seriam, & omni modeflia & verecundia tractandam, ad nequitur turpitudinisque imaginationes traherent. Sic Judæi quoque Beelphegori nonnunquam initiati sunt, ignominiae quippe simulacro, quem Priapum Latini vocant, Moabitarum de more ferentes sacra, gravissima contra se numeris Omnipotens iracundia concitata. Sic Athenarum eruditio, arcanaque mysteria universum orbem elusere. Atque, hoc demum in Eleufynæ Cereris sacris tormentum illud cæremoniæ, ad occlusulas portas diuturnior mora, linguis obsignatio, & tot habituum & ornatum, quot Apuleius enumerat, varietas tendebat, ut posteaquam per quinquennium anxiæ anhelabundique magni alicujus oraculi cognitionem expectarent, & rei cuiuspiam divinae majestatem quandam, diceret Tertullianus, si visuros conceperint, sub nature significatione simulacrum virilis membris tot integumentis tamdiu cooperum, revelatum tandem intuerentur, quodque quotidie ad natura requisita non semel tangere cogerentur, vidisse se pictum aut sculptum, sub religiosissimi jurisjurandi prohibitione profiteri vetarentur. Quodque longè magis ignominiosum est, huc Philosophi, huc Principes, huc ipsi Romanorum rerum domini Augusti, levitate nescio qua pellecti, perhibentur.

DE UMBILICO. CAP. XXXV.

Quoniam vero umbilicus quedam communia habet cum genitalibus, exigit locus ipse, ut quæ partis ejus significata sunt, explicantur.

PATRIA. CAP. XXXVI.

Umbilici significata alii modo acceperunt: sunt enim qui Jovem, sunt qui medium, sunt qui finem, per simulacrum ejus intelligent. Jovem quidem ex umbilico significare video apud Ggg